

四庫全書

子部

欽定四庫全書

子部

萬姓統譜卷十三

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣朱學濂

欽定四庫全書

萬姓統譜卷十二

明凌迪知撰

上平聲

七虞

于

河內邶音周武王第二子封邾為邾叔以國為氏省

于公

東海邾人閭門壞父老方共治之公謂曰少高

大令容如馬高車蓋我治獄多陰德未嘗有所

于定國

字曼倩東海邾人父于公定國累官廷尉當

時稱之曰張釋之為廷尉天下無冤民定國

萬姓統譜

為廷尉天下民自以不寬後拜相封西平侯子永為御史大夫折節修行

三子禁

字文則攻張績擒呂布圍張超攻睦周皆被斬之魏太祖曰將軍在亂能整討暴堅壘有不可

動之節雖古名將何以加之

南于栗磾

代人能左右馳射魏明元時累遷外都大官平刑折獄甚有聲攝卒贈太尉栗磾自少總

戎迄於白首臨事善斷加以謙虛下士其卒也太武甚悼惜之

于敷

少失母年十歲求母遺物惟得一畫扇乃緘麓之每至感恩輒開篋涕泣好讀書能屬文齊高

祖見而奇之以為世子中軍參軍

于什門

代人魏明元時使諭馮跋聲氣厲然被拘留衣裳敗壞跋遣以衣服拒不受歷二十四年

後馮弘上表稱臣乃送什門歸
拜侍御史太武褒美比之蘇武

于謹

字思敬粟磾子仕周累官大都督封燕國公謹
位重謙抑功臣中始終無間保定中以為三老

固辭卒

謚曰文

于義

字慈恭以父功封廣都縣公遷安武太守專崇
教化不尚威刑有郡人張善安王叔兒爭財相

訟義曰太守德薄不勝所致於是以身家財分與
二人喻而遣去善安等各懷耻愧移贖他州

于寔

字賓實代人周文十五年除渭州刺史特給鼓
吹一部羌東念姐率部落反寔往破之周文手

書勞

問

于翼

字文若謹子美風儀有識度後周孝閔踐祚為
渭州刺史翼兄寔先蒞此州頗有惠政翼又推

誠布信事存寬簡夷夏感悅比之大小馮君焉

于宣道

字元明義長子性謙密不交非類任周
擇褐左侍上士隋文踐祚拜車騎將軍

于忠

字思賢宣武賜之劍伏舉酒屬忠曰卿執世貞
節故恒以禁衛相委昔以卿行忠賜名曰忠今

以卿才堪禦侮以
所御劍仗相錫

于宣敏

字仲達義子年十一詣周趙王招命之賦詩
詩甚有幽貞之志坐客莫不嗟賞常以感滿

之誠昔賢所重每懷靜
退著述志賦以見志焉

于勁

字鍾葵自粟磾至勁累世貴盛一皇后
四贈公三領軍二尚書令三開國公

于栗翼

後魏安州總管武帝將東伐遣使問策翼贊
成之及軍出翼趨襄城旬日下齊一十九城

所過秋毫無犯百姓
忻悅赴者如歸市

隋

于璽

開皇間為郃州刺史在州數年甚有恩惠後遷
江陵總管州人數千詣闕請留文帝嘉歎令還

郃州父
老相賀

于仲文

字次武謹孫初仕周為東郡太守尉遲迥作
亂誘仲文不從奔隋進位大將軍煬帝時掌

大武選事嘗撰漢書刊
繁并畧覽各三十卷

唐
于志寧

字仲謚高陵人謹曾孫太宗引為文學館學
士貞觀中為太子右庶子能直諫累遷侍中

拜左僕射
封燕國公

于興宗

丞相于志寧猶子白有司願為親民官以
自效遂補東陽令及蒞官以簡易為治

于休烈

志靈曾孫機鑿精敏善文章開元中擢制科累官集賢殿學士肅宗時為太常少卿終工

部尚書二子益肅繼為翰林學士肅子故戶部侍郎宗右僕射

于邵

字相門萬年人天寶末補崇文館校書郎出為道巴二州刺史以諫議大夫知制誥朝廷大典

多出其手

于公異

吳人舉進士李晟表為掌書記朱泚平露布云臣既肅清宮禁祇奉寢園鐘簾不移廟貌如故德宗覽之泣下曰誰為之辭或以公異對帝咨歎之

于鴻

大觀四年庚寅承江陰縣職思水利悉以計畫嘗於黃田蔡汪等處置上下閘提淤去壅板築甚堅居民食魚與稻無凶歲憂省漕輸之卒過半又西導申利二港注之晉陵武進旁邑大賴

馬

于淙

字禮用高陵人志寧五世孫擢進士第授左拾遺尚廣德公主篤學礪行咸通中為翰林學士

進中書侍郎兼戶部尚書後

為黃巢所害主亦縊室中

于頔

字允元謹七世孫為湖州刺史有湖陂灌田三千頃久廢頔行縣命修復隄塘歲獲杭稻無慮

萬計歷司

空平章

于延陵

建州刺史宣宗曰建州去京師幾何對曰八千里帝曰卿到彼為政善惡朕皆知之勿謂

其遠

宋 于大本

信州路總管賊犯信州大本以土兵簡禦城破被執至蘄水見賊偽主釋縛命以官大本

痛罵不
屈被害

于房

定襄人景祐四年知奉化守正不回懲惡勸善敦厚風俗毀石夫人廟以廣學宮亦其一事也

于震

捷為人以詞賦試第一調隆州錄事參軍知廣都人熟其教令一境大治累官朝奉大夫

于燾

字彭年壽先人博學能文喜言兵慶厯中元昊寇遼北敵乘釁聚兵求闕南地丞相呂文靖公

名燾計之燾曰宜治西北行宮若親征者以壓其謀乃以大名府為北都二敵果靖時仁宗春秋高皇嗣未立登州岬岫山數震燾上疏宜早定儲位以安天下逮英宗入繼乃由齊邸人以

先識
之

于季友

太和中明州刺史於州城西南四十里築仲夏堰溉田至數千頃

于祐

娶韓夫人紅
葉是良媒

元于欽

益都人博學多聞初授國子助教兵部侍郎奉命山東周覽原隰詢諸鄉老水經地紀歷代沿革

革著書六卷

名曰齊乘

于玠

萊陽人泰定中授同知濟南路總管事官至騎都尉卒贈河南伯孫諒累官至中山知府

明于守禮

萊陽人洪武中以通經舉用才識過人歷任有聲累官按察司僉事

于睿

陽穀人由太學生歷官湖廣布政司左叅議

于海

洪武中柳州衛指揮僉事性氣雄勇守大同峽洞壘聚眾攻劫海率兵奮勇長驅殺賊潰散搜

勦殆盡一

方遂安

于敬

錢塘人洪武中領鄉薦歷任監察御史春坊中允累陞江西布政使才能著稱士林重之

于光

都昌人磊落有大志元末起兵光歸國朝從征九江戰鄱陽降武昌皆與有功累官鷹揚衛指揮使從徐達擒張士誠下山東取汴梁克陝洛

移守鞏州王保保襲蘭州光帥兵往援猝遇敵

戰敗被執使呼蘭州降光大呼曰公等堅守大軍至矣敵怒逆遇害詔配享功臣廟

于謙

字廷益錢塘人永樂進士歷官兵部尚書為權奸所害死贈太傅謚肅愍子寃應天府尹節察

修潔有文學已巳之變呼吸間有永嘉靖康之禍公砥柱狂瀾使社稷危而復安功蓋天下者

不賞于公之謂矣

于潛

字彥昭鄆陵人少儻有志操永樂初為建昌知府性廉介不避權勢待吏卒甚嚴撫黎庶以

恩不踰年政平訟理
百廢具興郡人懷之

于寬

字克弘咸寧人成化舉人在太學友人任良病故良妻孺二女治喪寬為贖還仍告諸友朋合

貲以助其喪嘗知鞏葉堤障水積穀救荒除強悍決疑獄以廉能稱

于材

字國用寧遠人成化戊戌進士選翰林庶吉士天資高邁學識優博銓授本院編修

于湛

字瑩中金壇人正德進士歷戶部右侍郎

于德昌

四川資縣人嘉靖進士任叅政

于廷寅

餘姚人嘉靖進士陞山東僉事

俞

河間角音人望出漢東

上古俞跗良醫也療疾不以湯藥乃割皮解肌湔腸胃滌五臟

漢俞運司徒

晉俞縱

宣城人成帝時桓彝為宣城內史蘇峻之亂彝遣縱守蘭石與峻將戰將敗左右勸其退守縱

不從曰吾之不負桓侯猶桓侯之不負國也卒死於難寇平追贈興古太守

唐俞文俊

江陵人武后時有山出於新豐稱為慶山丈俊上書言陛下以女主居陽位反易剛柔故

地氣隔塞山變為災臣以為非慶也后怒流之嶺南

俞鳧

洪州南昌人徙居分水登進士第以詩名於時與方干賦詩相往還

宋俞獻可

歙人端拱初登第歷御史吏部郎中有能稱嘗為廣西運使平定蠻寇為立互市葉塞以

托其險自是不敢犯
邊累官龍圖閣學士

俞紫芝

字秀老揚州人少有高行不娶得浮屠氏心
法所至儵然而工於詩荆公愛重之其詩有

夜深臣子喚不醒猛
虎一聲山月高之句

俞獻卿

字諫可獻可弟景祐間知杭州一日暴風江
潮溢決隄獻卿鑿西山石作隄數十里民用

之便

俞汝尚

字退翁烏程人為入溫淳有禮議論不苟澹
於勢利聞人善言善行記之不忘擢進士歷

倉書西川判官與蜀守趙朴最相得王安石當
國欲薦為御史汝尚力辭得免以屯田郎中致
仕歸優游數年卒孫侔紹
興中為敷文閣直學士

俞偉

字仲寬四明人元祐初知順昌縣初縣民生子多不舉偉集耆老諭以理貧者許贖以貨所活

不可勝計多以偉之姓字名之俗婚娶尚侈偉戒以儉而省浮費民有健訟者反覆開諭悉感謝去縣治前大溪艱涉偉率富民出資編舟為梁以濟之復繕廢寺田數十畝儲租以備繕修

為縣幾兩考木生連理粟

一莖十二穗民歌誦焉

俞充

字公達鄞縣人嘉祐進士第熙寧中為都水丞沿汴淤泥溉田為上腴者八萬頃擢天章閣待

制知慶州嘗欲面陳攻討

西夏方畧未及行而卒

俞宗亨

字兼善山陰人知漳州罷溪港津渡之權減去經總制錢苛取者著述有山林思古錄羣

經感發等書

四十餘卷

俞夔

字克臣象山魁岸修偉畫漁夜讀登元豐進士時舒亶平派沅寇奏夔籌畫功為幕府第一

終建德宰孫茂系乾道二年進士拜和州通判臨政以平允見稱於時

俞夢龜

銅陵人始生時母夢羽士授之黃龜因名生即有齒能言夢中嘗有讀書聲六歲背誦六

籍九歲應童子科授秘書正字

俞易直

字平叔歙人尉彭澤不苟取不沽名以母老不仕歸嘗有病縣令盧知原往視之問以後

事曰棺已具衣已浣附葬先塋他無所須也盧退遺以錢五萬易直曰吾素貧豈以五萬錢變

哉
吾志

俞若著

通判宜州黃庭堅謫居是州時黨論甚嚴士大夫例削劄掃迹惟若著為經理舍館敬過不

急又遣二子
執諸生禮

俞澹

字清老紫芝弟也亦不娶滑稽諧諠曉音律能歌荆公亦喜之晚年作漁家傲等詞山行歌之

一日云吾欲為浮屠公欣然為置祠部約日祝髮後乃曰吾思僧亦不易為公所贈祠部已送

酒家矣荆
公大笑

俞括

紹聖中以承議郎判虔州蘇軾稱其博學能大敏於從政而恬於進取嘗與軾書欲弃官從學

自虔罷歸道病卒於廬
陵虔之士民有巷哭者

俞侯

宣和中知歸安縣凡事處之以公朱勔請括諸路隱匿田縣獨不與鹽法屢變私販者罪甚重

縣獨
寬之

俞觀能

字大任，菱子，紹興初，應詔詣闕，上書特授德安府錄事參軍，登十二年進士，時二聖尚狩。

沙漢九重，盱食觀能，稟古今君臣孝弟事曰孝弟類鑑，凡七卷，上之授審察江陰軍教授，改秩。

而卒

俞卓

字祇若，溧水人，崇寧中，以上舍賜進士第，僉書鎮南軍判官，擢祕書正字，出知襄陽，後拜御史。

中丞陳士風六弊累遷翰林學士，兵部尚書，後以述古殿學士知江寧府。

俞豐

字應南，建寧人，乾道中登第，自知秀州，召為金部郎官，遷中書舍人，嘗言命令不可不謹，守令

不可不擇，除吏部侍郎，上言人主當振紀綱，不可假外戚以柄，不報，以華文館待制奉祠。

俞極

宣城人，好禮喜士，乾道中寧國府，上言其義居累世，不析詔旌門閭，并復其家。

俞端禮

金華人乾道四年任烏程尹民間賦丁絹錢三坭出一緡不輸絹而折其值一緡千錢後

增至五千錢民不勝其苦端禮疏請於朝歲蠲民錢六萬

俞庭椿

字壽翁臨川人乾道八年進士任終新淦令庭椿有大志而廉介自將見者莫不喜其才

服其敏愛其清嘗出使金人自北地還因紀次其道路所經山川人物與夫語言事蹟之可備

採用者為北轅錄

俞汝霖

字李澤遂安人有智畧慶元初辰州欽浦山徭作亂俞公應募與官入洞生擒毀其穴又

捕九溪全洞之賊補承信郎官都轉運使階金紫光祿大夫

俞烈

字若晦臨安人祖徹與張九成凌景夏齊名列少警敏淳熙八年試禮部第一以太學錄轉對

論浙西圍田為運河及民田之害乞精選郎官
與漕臣按視開復遷太學博士光宗即位轉對
乞酌減平元祐之制日輪講讀官內直以備訪
問進國子博士為祕書郎出守嘉興上供及額
即止不肯增緡錢以受最賞為司封郎官論民
間義役尋借戶部尚書忤侂冑論去家居五年
嘉定初知慶元府鎮以清淨移知鎮江府撫輯
流移曲盡恩義權禮部侍郎兼中書舍人不以
往事懲於勲戚濫恩貂墻佚罰宮掖蠶緣干請
多格不行號盤隱居士有盤隱詩編掖垣制草
奏議北

征等集

俞聞中

字夢達邵武人從學朱熹登淳熙八年
進士累官知黎州悉意撫字民夷感恩

俞誠一

字則明分水人嘉定進士官南康教授白鹿
書院山長遷國子監丞轉奉議郎平居喜怒

不形遇事剛果不為禍福怖蒞官
內外如一所著南疇集十五卷

俞瑞

字公美新昌人文章高古真德秀奇其文曰此
他日臺諫選也與弟浙齋名瑞平二年進士通

判慶元性不芥蒂於仇怨惟
抑困乏克謹厥身不失尺寸

俞浙

字季淵新昌人開慶乙未進士甲科德祐乙亥
除太常丞辭不赴除監察御史辭不允促命入

臺首奏三疏痛陳時病皆留中不行改除大理
少卿不就於是浩然而歸浙篤行寡言莖重介
潔年八十卒所著有五經
孝經離騷審問共數十卷

俞克堪

字用可永豐人景定進士授龍巖宰有政績
擢刑部架閣承直郎平生恬靜自守無躁進

心嘗作詩
以見志

俞琰

字伯華永豐人淳祐進士知臨江軍贈朝請大夫提刑湖南當時立廉吏碑以頌其德政居家

立義塾社倉以周宗族異姓之貧者

俞勳

字怡叔婺源人登淳祐甲辰進士第歷官知來安縣通判滁州攝州事州歲課粟園數十緡例

輸于倖勳不受歸之官庫月俸外以他名入者一無所取後叅議淮東帥府卒初真德秀每患

時文浮靡省試得其文賞其謹厚置之高等以勵學者

俞天倪

婺源人景定元年登第授蕪湖尉攝邑事有宗室以樵夫不讓路訴于官縣判按儀制賤

避貴樵夫合避宗室輕避重宗室合避樵夫時人稱之

俞士干

字吉仲婺源人嘉熙間游太學有聲寶祐間登科調德安郡博士鄉人士以士干學行昭

著乞改差鄉郡州上其事
有旨令兼紫陽書院山長

俞澂

字子清以清介自持所至有治聲為刑部侍郎
寶謨閣待制放意泉水創舍于南門之外二里

許與浮玉山對號曰無塵
扁舟往來飲酒賦詩為樂

俞興

理宗時守嘉州元兵圍城五旬興夜開關力戰
而圍解詔俞興一十六人各官五轉尋以興為

四川制置副使知嘉定府事兼成都安撫副使
理宗曰俞興嘉定城下之捷尤為奇偉賜興金
帶

俞君選

婺源人景定壬戌進士授武寧縣主簿後為
揚州司理參軍楊真泰饑建議賑給所活數

十萬人遷淮東制幕已而徑歸累辟不就名其
居為艮軒曰時止時行艮之義也在我當止吾

何為不
樂哉

俞靖

一名猷仲字宋祐婺源人積學砥行晚號西郊老人與朱韋齋先生為星漢十友

俞臯

字心遠婺源人師鼎峯趙良鈞初良鈞以宗室舉進士教授廣德軍宋亡不仕臯所著有春秋

釋義一守良鈞之說
吳文正公澄序之

俞振翁

字邦義婺源人長於詩子元凱亦能詩

俞琰

字玉吾吳人寶祐間以詞賦稱宋亡隱居不仕於書無所不讀精於易尤好鼓琴所著書千餘

卷

元
俞奕曾

字唯父性高簡喜讀書見異帙函收之卷積累數百乙亥江浙亂鎮邑為墟奕曾避難歸

欽定四庫全書

萬姓統譜

三

官無以為庇築草室一間坐卧其中枵腹不食
貴富人欲見之罕接其面至元中縣學諸生爭
迎為師輒辭謝君故名家代有顯者至爽
曾居貧力學不求於世其節益著號時齋

俞述祖

字紹芳象山人累官翰林國史院編修出為
沔陽府推官至正中斬黃賊迫州境述祖以為

民兵捍禦兵力不支城陷為賊所執械至其偽
主徐壽輝所誘使降述祖罵不輟賊怒支解之

事聞贈禮部郎

中象山縣男

俞遠

字之近爽曾之子自號空谷山人身瘦神骨秀
疎目光奕奕好著小冠戴文山樓笠衣白綺裘

儼然神仙中人行出一市人盡驚好讀書隱居
教授篤行古道里中多化之客有質疑義者應
之若響客不能難至正士辰鄉寇竊發所過殘
毀遠乃勢當捨攘築土為室嘯歌其中長吟短

詠語出必驚人如龍門桐歌小石灣行澄江八景等篇傳誦人口其文行於世有且亭集學詩

見管

俞師魯

字唯道婺源人卓悟挺秀三歲能識奇字知讀書日誦數百千言大德間江潮行者薦其

行能應茂材異等江東使者涿郡盧摯薦之辟署史館編修以親老求外為隆興路學教授丁外艱家居十年至治中為廣德路教授秩滿授松江府知事多有政績民為之歌曰俞公未來案牘紛披吏鏡而欺俞公既來官僚怡怡吏飽而嬉惟其黑憤使我心惻府中事無大小須其一言而決卒于官有易春秋註說未脫稿藏于家

俞元膺

字元應婺源人治春秋至正間高第授翰林學士嘗編邑志長於詩有二李家數翰

明俞通海

字碧泉，隸縣人。洪武初，從征有功，累陞中書平章政事。為人性沈機，簡重，出言合宜，勞不

矜能，和不踰節。故其征伐所向，成功出鎮廬州。卒，追封執國公。父廷玉，征安慶，沒于陣，追封河

間郡

公

俞通源

字伯川，國初與父廷玉兄通海共集義旅歸附。屢著戰功，太祖大賞定中原，諸將以通源

從大將軍克平山東北平有功，封執

國公。弟通淵亦以戰功封蔡國公。

俞詮

安吉人，以耆儒徵命為大學士。洪武中與鮑恂等四人入見，上賜坐，顧問者久之，竝命為大華

殿大學士，皆辭。上曰：卿等高年，特免蚤朝，勉留為朕輔導。皇太子即不欲留，亦不終強也。詮等

復固辭，賜

敕放還

俞茂

初名榮字子懋休寧人早歲讀書投徒通兵法元末天下亂父士英結鄉兵與賊戰于馬嶺死

之茂從樞密院判婺源汪同保障輯寧鄉邑後附國朝從取婺源恃嚴陵授樞密院判官及靖三衢定德興克樂平而江西諸郡以次收服還守南昌太祖高皇帝以永新重地而茂常戰守命撫衆戍之授武德將軍守禦永新修城池興廟學刻陳定宇增闕通略李一初文集行世有

古良將風

俞士吉

字用貞象山人洪武丁丑進士授兗州府訓導上疏論時政得失十餘事拜監察御史文

廟御極擢右僉都御史奉使朝鮮闕乃郊迎俯伏士吉宣布朝廷恩德甚至闕出鞍馬貂裘之

賜士吉一無所受王遂同士吉入覲上大喜賜士吉豸衣一襲永樂三年湖西大水奉教往治

唯湖州被災尤劇虧糧一十六萬石同事者以所虧之數反十倍於輸欲損其數以上之士吉力爭曰欺君以病民吾不忍為也竟以實聞上悉蠲其輸仍敕發粟賑饑民賴以甦六年出守襄陽陞山東左叅政未幾唐妖婦惑眾謀叛藩臬臣悉寘于法士吉亦就獄上擇之洪熙改元進為詹事宣廟副位改刑部侍郎致任所著有櫟菴稿

俞友仁

字大輔仁和人洪武開科浙江鄉試第一四年會試第一第三甲進士三年授山東長山

縣丞歷山西僉事工詩書亦俊逸有文名

俞永

洪武中知魯山縣首革吏弊修學校親與諸生講說經史正句讀校大理士風翕然日盛民

有訟者片言折之吏民畏服

俞貞木

字有立琰孫吳縣人好學問善著書洪武初薦為樂昌令又為都昌以親故累罷歸為人

清苦敦行古道太守姚善方向學尊禮有道以風民俗極重之數延致於庠行乞言禮然糠覈

不繼空匱愈甚不以干意靖難時勸守舉兵因建赴論死

俞思義

洪武末知汪陽縣廉勤和緩政簡事理有古循吏風

俞廷芳

巖水人洪武初知建寧府政尚簡易尤篤意學校蠲役勸士儒風漸振民多其德既去而

尤思之

俞彥誠

婺源人刻志詩書博通經史尤精春秋教授鄉里洪武初績溪休寧交聘為邑校官力以

疾辭不起卒于家

俞益

字友謙臨安人八歲喪母日夜哀慕永樂甲申進士為翰林庶吉士預修永樂大典授靖安知

縣有惠政改潛山大新學校屢典文衡號得士扶凋當去邑民千數告乞留再知卒于官民甚

哀之學士李時勉為

銘尚書王直表其墓

俞和

字子中杭人號然芝生暮年稱紫芝老人隱居不仕能詩善書翰早年得見趙松雪逼真好事

者得其書每用松雪

款識倉猝莫能辨

俞士悅

字仕朝吳縣人永樂進士歷官都御史刑部尚書太子太保儀表魁岸面色如鐵聲如洪

鐘平生侃侃

見者畏服

俞得儒

字大雅鄞人永樂辛卯進士選入兵科改庶吉士授行在監察御史時西南夷朝貢至境

命得儒往蒞其事唯以庭寔上貢其他珍異悉貯之公怒弗獻辛丑詔直言乃與給事中柯暹各率同官歷陳六卿曠官事上命六卿與諫官論難而六卿十不得一遂出得儒知賓州子澤天順丁丑進士歷官四川僉事

俞迪

字允吉平湖人以歲貢任廣東都司斷事朴茂好古清操凜然諸方岳皆敬憚之九載乞休囊無一金賢不肖皆頌其清德云

俞山

字積之秀水人舉鄉試歷郎府伴讀擢鴻臚少卿史部左侍郎山佐銓衡薦擢不求人知有請謁輒正色拒之臺諫以言事取疾權幸曲為調護景泰初議迎復同列或有難者山奮曰鑿與復然後人心悅而天下安况天倫所系至重極力贊之朝廷知山清慎賞賚有加作歲寒圖題

詩賜之以寓褒美有以易儲請山者密諫不聽
退而憂曰禍機自此始矣乃引疾求歸進太子
少傅囊橐蕭然家居日用至假貸以給為文據
經火詩歌清麗典則善大篆工墨梅而常晦其
迹所著有梅莊集若干卷子誥
歷工料給事中終建康知府

俞綱

字宗立嘉善人寓籍上元為諸生改隸順天舉
修宣廟實錄歷中書舍人郟王受封簡輔導詔
綱侍講歷陞太子少保兼兵部侍郎改南京禮
部為人和厚縝密無疾言遠色謹身率職稱為
長厚君子子文煥
以蔭為福寧知州

俞敏德

字鳴謙定海人父彥華赴京聽選死母在家
亦故時敏德甫九歲力不能支日拊柩以歸
及長不樂仕進於三山建永思堂環植以竹哀
慕久而不替有司屢以材薦以祿不逮親固辭

不就號曰竹所先
生享年一百五歲

俞雍

字文熙無錫人正統初知公安縣勤於撫字每
單騎行郊野中勸耕績課其勤情石首楊文定

公嘗延譽于朝
謂有古循良風

俞澤

字益之桐廬人天順進士第授兵科給事中後
謫滁州判未赴而卒為人鯁介不苟居官清慎

有饋遺者一無所
受人皆多其有守

俞蓋

字廷臣桐廬人天順七年進士授監察御史出
按真定江西等處所著有能聲生謫判澧州陞

茶陵知縣安陸知州俱有善政大監章貴
以鄖陽新設繫控制地方奏蓋為知府

俞泰

字國昌無錫人弘治壬戌進士歷官東省左司
叅知致政還闕園市南隱居芳洲書閣十年

辛平生喜詩篇遺
有芳洲漫興二卷

俞正己

成化間真定縣學教諭上言厯象授時之法
編成書冊上進禮書周洪謨言正己膠泥所

閑妄議厯法
請法司治罪

俞處恭

儀真人素號博達於人少許可善為詩時時
有佳句有送臬太守八觀詩聞君治裝快老

悵沙際倚仗迎千回簷前秋晚鵲聲噪江上雨
晴帆影來更逢佳節黃菊綻喜見故人青眼開

明朝酒醒雲路近
獻策早上黃金臺

俞諫

字良佐桐廬人弘治進士厯官都御史諫經學
淹貫敏達過人剛毅敢為事不避難入總縣事

守法明允考校
精嚴人不敢犯

俞振紀

字肅夫少孤貧事母氏盡歡雖兄迫不廢定省之禮一日從道廁拾布袂歸督視之乃糧

券數紙及白金若干兩召審失主挈而還之以嘉靖五年歲貢分教旌德能以師道自任得士子心及以內艱歸感泣追送者不遠百里居喪三年哀慕憂戚不出戶庭遭道州學正卒

俞曷

字顯之永豐人由鄉舉歷任同知素行剛方居官清謹少師費文憲稱其特立不羣強直自遂

處儕類則無愧端人為有司則可稱廉吏所著有醉吟野老集

俞憲

字汝成無錫人嘉靖戊戌進士歷官山東按察使有文學所輯有盛明百家詩

俞介

字仲和餘姚人嘉靖甲辰進士

俞時歆

字伯駿新昌人嘉靖甲辰進士

俞汝器

字器之臨川人嘉靖丙辰進士歷郟武府知府

蘇

武功羽音祝融之後陸終生昆吾封於蘇因氏又望出藍田洛陽

周

蘇忿生

周司寇居河內

蘇從

楚大夫莊王即位三年不出號日夜為樂下令諫者殺伍舉隱諫王淫益甚從乃入諫王曰若

不聞令乎從曰殺身以明君臣之願也王乃罷淫樂聽政誅數百人進數百人任伍舉及從以

政國
大治

蘇秦

洛陽人師鬼谷子游說秦王書十二上而說不行秦敵金盡憔悴而歸妻不下機嫂不為炊後

從說得行并相六國佩印而歸妻嫂不敢仰視秦歎曰使我有負郭田二頃安能佩六國相印

乎弟代厲皆

知名當時

蘇代

秦弟說趙王曰川蚌出曝鷓啄其肉蚌藉其啄鷓曰今日不放明日不放必有死蚌蚌曰今日

不出明日不出必有死

鷓漁人見而兩得之

漢蘇建

杜陵人以校尉從衛青有功為平陵侯後為游擊將軍出朔方為右將軍出定襄子武

蘇武

字子卿杜陵人天漢初以中郎將使匈奴被留齧雪咽糞伏節牧羝居十九年得還拜典屬國

宣帝立賜爵關內侯圖形麒麟閣子通國胡婦所生漢以金帛贖之歸帝拜為郎

蘇章

字孺文平陵人建八世孫冀州刺史故人為清河太守行部按其奸贓為設酒肴章曰今夕蘇

孺文與故人飲者私恩也明日冀州刺史按事者公法也遂舉正其罪州境畏肅

蘇不韋

平陵人父謙為金城太守既罷私至洛陽為司隸李嵩詰掠死以報宿怨不韋歎曰伍子

胥獨何人也遂變姓名募劍客邀嵩不克因殺其妾并及小兒又馳至魏郡掘其父塚斷頭以

祭父墳嵩憤傷發病嘔血死

蘇順

漢安和間以才學稱好養生隱居求道晚乃仕拜郎中

三

蘇則

武功人少以學行聞辟舉不就後為酒泉太守聞魏代漢發服悲泣魏初左遷東平相

南

蘇孝慈

扶風人父武周兗州刺史孝慈少勤謹沉重有器局為中侍上士以使齊稱旨遷大都督

以功進位開府爵靈水縣公

蘇愉

扶風人以古文尚書授梁卿

蘇亮

字景順，綽從兄亮與弟湛皆著名西土一家，舉三秀才。

蘇綽

字令綽，西魏武功人，博物多通，為宇文大行臺郎中，僕射周惠達稱其有王佐才，泰推心任之。

拜大行臺左丞，參典機密官，至度支尚書。

蘇侃

武邑人，祖護本郡太守，文端中州從事，侃涉獵書傳，任南齊為冠軍錄事參軍，深自勤勵，為高

宗所委付，卒諡質侯。

蘇瓊

長樂人，任北齊累官，南清河太守，郡多盜賊，及瓊至，奸盜止息，瓊性謹不發私書，郡人趙穎五

月中獻瓜一雙，瓊置梁上，竟不割，有百姓乙普明兄弟爭田，積年不斷，瓊諭以理，其兄弟分異。

已十年，遂還同住。

蘇威

字無畏，綽子少有志性，喪父母哀毀，骨立。徵拜太子太保，累遷尚書右僕射。子夔博覽羣言，尤

以鍾律自命，仕為太子通事舍人，著樂志十五篇。

蘇朏

桂陽人，將仙去，告母曰：後二年州人大疫，乃植橘盤井，曰：食橘一葉，飲水一盞，當自愈。有白鶴

數降於門，遂仙去。後果疫，母療疾，以生。後化鶴，來止郡城樓，以鶴爪櫻板云。城郭是人民，非三

百甲子一來歸我，是蘇仙彈我何為。

蘇夔

字伯尼，威之子，博覽羣言，尤以鍾律自命。隋詔天下舉達禮樂之原者，晉王昭舉夔，帝曰：惟此

一人稱

我所舉

蘇淑

字仲和，除洛陵內史，在郡綏撫甚有令譽。歷榮陽、中山二郡太守，清心愛下，為吏人所稱為良

二千

石

唐蘇烈

字定方冀州人貞觀初從李靖襲頡利於磧石討高麗拜右屯衛將軍擢定方伊麗道行軍大

總管縛賀魯以還由是修亭障列蹊隊定疆畛唐之州縣極四海矣高宗臨軒定方戎服奉賀

魯以獻策功

拜邢國公

蘇安恒

冀州武邑人武后時嘗投匭上書言太子春秋鼎盛當統震極曰天下者高祖太宗之天

下非李氏不王今若蔽元良以據神器他日何顏而見唐家宗廟書聞不報時論難之

蘇榮

宰相味道之父嘗為梓州叅軍

蘇味道

趙州人九歲能屬辭與李嶠以文翰顯時號蘇李武后朝拜鳳閣舍人檢校侍郎在相位

脂韋自營而已世號模稜子後為眉州刺史一子居眉故眉有蘇氏

蘇瓌

字昌容雍州人拜尚書右僕射同中書門下三品進封許國公時大臣初拜官獻食天子名曰

燒尾瓌獨不進臣誠不稱職不敢燒尾進左僕射

蘇頲

字廷碩咸元孫瓌子幼敏悟一覽千言累官修文館學士與父瓌同在禁中時人榮之開元中

相拜

蘇誥

字廷言頲弟舉賢良方正高第補汾陰尉遷祕書詳正學士累轉給事中頲為紫微侍郎固辭

帝曰古有內舉不避親者乎對曰晋祁奚是也帝曰若然朕自用誥卿言非公也

蘇世長

京兆人侍宴披香殿酒酣進曰此場帝作邪帝曰卿好諫以直然詐也此殿我所營乃說

云煬帝邪對曰臣但見傾宮鹿臺非受命聖人所為者今乃即隋之宮加雕飾焉欲易其亂得

乎帝咨

重其言

蘇冕

字元佩武功人與弟弁袞皆以友第文學稱績國朝政事撰令要四十卷行于時

蘇祐

眉山人味道後少穎悟遇人至成都過道士異之屏人謂曰吾能變化百物將以授子祐固辭

道人笑曰是果有以過人矣自是隱名益彰子果亦以施予顯名果子序讀書通大義為詩務

達志教其

子澹渙洵

蘇良嗣

世長子岳拱中達文昌左相嘗怒僧懷義偃蹇叱左右批其頰後罷相仍知政事子踐言

官至太常從孫弁德

宗時為度支郎中

蘇珣

藍田人擢明經調鄆縣尉裁決明辯長史李義瑛異之中宗時累官戶部尚書封河內郡公

蘇幹

岳拱中魏州刺史河朔飢前刺史苛暴百姓流徙幹檢吏督奸勸課農桑由是流民盡復以治

稱

蘇源明

武功人少孤工文辭累官國子司業安祿山陷京師源明稱病不受偽署肅宗時擢知制

誥數陳時政得失終祕書少監

蘇弁

字元容良嗣從孫擢進士累倉部郎中判度支案裴延齡死帝召弁見延英賜紫衣金魚副知

度支事位郎中上度支有副自弁始

蘇蕃

華亭令在縣簡惠蒞事公正時稱賢宰

蘇晉

駒之子數歲知為文作八卦論房
穎叔王紹宗歎曰後來之王桀也

蘇妙

字觀妙南海人瓌孫幼奇穎讀書通大義累官
至泉州刺史有惠政有鵲巢門樓見妙出每飛

集車蓋上泉

民歌頌之

宋

蘇易簡

字太簡桐山人才思敏瞻太宗時進士第一
以文章知名累官翰林學士承旨上飛白書

玉堂之署四字賜之曰美卿居清華之地也一
日上賜酒上曰君臣千載會對曰忠孝一生心

上喜盡以席上金器賜之終叅知

政事子耆有才名仕為工部郎中

蘇舜欽

字子美易簡孫少有大志好為古文弱冠極
言時政范仲淹薦其才名試為集賢校理後

寫吳中詩歌豪放尤善草書兄舜元任氣節
亦善詩歌草書尤工官至三司度支判官

蘇洵

祐曾孫字允明年二十七始發憤為學嘉祐間與二子軾轍至京師歐陽修得洵所著權書衡

論二十篇除校書郎名動京師蘇氏文章遂擅天下一時學者以其父子俱知名號為老蘇

蘇軾

洵長子字子瞻號東坡居士舉制科累官翰林學士兵部尚書謚文忠軾弱冠博通經史為文

渾涵光芒雄視百世器識閎偉議論卓犖挺挺大節羣臣無出其右長子邁作文頗有父風東

坡嘗與聯句云傳家詩筆古已自過宗武中子迨小子過俱善為文孫十四人第太府卿符禮

尚書箕筌籌英藩籍節
芟蓮莖幅給事中規

蘇轍

洵次子字子由號穎濱又號藥城為人沈靜簡潔為文汪洋澹泊而有秀傑之氣與兄軾同登

進士又同舉制科累官翰林學士門下侍郎謚文定子遲迨遠孫簡播諤訥林麓森從姪安節

千乘
十能

蘇邁

字伯達，軾長子，知仁化縣。文章政事，綽有父風。以政最遷，雄州防禦推官。終駕部員外郎。

蘇過

字叔黨，軾子。軾謫英、廉、永州，獨過隨侍。凡生理晝夜寒暑，所須一身百為，不知其難嘗為。文曰：

志隱軾覽之曰：吾可以安於島夷矣。

歷官郟城、合、通判、中山府，皆有政績。

蘇棗

字公佐，滏陽人。擢第，嘗以侍御史使契丹，還道聞英宗宴駕，契丹置晏，仍用樂。棗謂送者曰：兩

朝兄弟君臣之義，吾與君等一也。此而可忍，孰不可忍。遂為之徹樂。累官給事中，知審刑院。棗

長於刑名，屢為法官。

數以獻議，受詔獎焉。

蘇丕

青州人。祖德祥，建隆四年狀元。丕有高行，少時一試禮部，不中。拂衣去，居泃水之濱。五十年不踐城。

市歐陽修言于朝

賜號冲退居士

蘇麟

工詩有近水樓臺先得月之句范文正公薦用之

蘇澄隱

真定人為道士住龍興觀得養生術年八十餘不衰老五代唐晉繼有聘並辭疾不至宋

太祖征太原還駐鎮陽召見因問其術對曰臣之養生不過精思鍊氣爾帝王養生即異于是老子曰我無為而民自化我無欲而民自正昔黃帝唐堯享國永年得此道也上大悅年僅百歲而卒

蘇紳

字儀甫晉江人博學多知舉進士累官三司鹽鐵判官時以災異求直言紳上疏極言時事後

為翰林學士出知河南徙河中

蘇緘

字宣甫，紳弟。舉進士，累官皇城使。知邕州時，交趾入寇，城被圍四十餘日，民無叛者。以援師不至，城陷，闔門自焚。神宗聞緘死，嗟悼，贈奉國軍節度使，謚曰忠勇。以其子元為闔門祇候。邕人

為緘

立祠

蘇頌

字子容，紳子。徙居丹陽，舉進士，累官右僕射兼中書門下侍郎，以太子少師致仕。卒，贈司空。頌器局闊遠，於書無所不通，為相務在奉行故事，使百官遵職，杜絕僥倖之源。深戒疆場之臣要功生事，晚年歸然獨

立為時雅德君子云

蘇洵

字澐，老仙遊人。知臨穎縣，修治迷陂，民號蘇公陂。歷官雷州，秩滿赴闕，除三劄，皆切時務。改新

州民有何
暮之歌

蘇昞

武功人始學於張載而事二程卒業元祐末呂大忠薦之為太常博士後坐元符上書入黨籍

編管

饒州

蘇元老

軾從孫幼力學善屬文黃庭堅奇之舉進士累官太常少卿時禁元祐學術軾方在黨禁

元老亦罷提點明道宮元老歎曰昔顏子附驥尾而名顯元老以家世坐豈不榮哉有詩文行世

蘇福

潮陽人幼穎悟絕人出口成章若有神助八歲時賦月詩其初一夜月詩云氣朔盈虛又一初

婦娥應事半分無都於無處分明

有恰似先天太極圖年十四作

蘇庠

澧州人以詩鳴蘇軾一見比之唐李白自是清名籍甚時當國者誘以美官庠笑而謝之紹聖

初徐俯在樞莞力薦于朝不起後徙居丹陽秦
檜欲召見庠曰吾老矣不忍取瀆雲壑卒年八

十餘號後湖居

士有文集行世

蘇為

知邵武軍政尚清簡在郡有詩人所傳誦後袁
穀作守讀其詩因為詩云手掬樵溪塵可洗恨

無雄筆
繼蘇為

蘇雲卿

廣漢人紹興間結廬豫章東湖人皆愛敬之
稱曰蘇翁布褐草履終歲不易畚礫為圃人

爭貿之以故薪米不乏有餘則以周急少與張
浚為布衣交浚為相馳書函金幣屬帥潛致之

帥潛力請期以詰朝上謁旦則扁戶聞
然書幣俱在而翁已遁矣竟不知所往

蘇椿

大名人以元帥守許州時元兵南下許節度使
石倫遣提控高珪往斥堠珪降元引大兵至城

下使韓壽孫者持檄招降倫椿即斬之既而城陷椿被擒元將怒其不屈殺之倫亦投井死

蘇伯材

字延構晉江人紹聖末進士知潮陽縣有富民殺其姪女浼吏宓懷白金數百兩置于前

且白其事伯材械治之事連縣佐部使者以聞詔褒其能知韶州憲司吏執翁源縣平民為賊以幸賞賂縣令梁格使獄死伯材廉知事狀以聞于朝格坐黥海島伯材有文集周易解義三

十卷兄珍玠子松俱登第

蘇欽

字伯承德化人政和中第進士除江西帥屬賴卒叛為帥漕畫策平之知巴州舊例有脚乘三

十緡悉以代民輸賦移閬州首陳州之利病六事復却例錢互送錢諸司以治最薦得旨再任未幾除利州路轉運判官又條時政五事上之卒于成都慶元間編修高宗實錄索欽行狀家

集奏狀并御筆俱工之按
興化軍志云欽遷居仙遊

蘇大璋

字顯之古田人父鴻以陰德聞大璋少穎悟年十三通周易大義慶元中登進士第嘉泰

中邑大水民居墊溺重以饑饉大璋上書乞常平使者蘇霖躬臨賑濟民賴以活為道州教官以闡揚正學為已任召試館職除秘書省正字累遷著作郎轉對力言禁固偽學之非忤大臣意遂累章丐外知吉州歸自號雙溪

蘇竦

字廷儀龍溪人登慶元第調肇慶府推幕有廉介聲天資好學凡所未見書必借閱或手抄不

輟博通經史玩心理學集先儒詩易二札傳折衷已見履行純篤士流慕之

蘇權

字元仲侍父洗官賓州因學于張栻淳熙中登第歷梧州推官調福州教授改秩知餘干縣終

辰州守有春秋解三卷
子國台從潘炳講學

元
蘇耀素

至正間平谷縣尹操守廉潔民有善詞律挾
害善良者耀素召至取其情狀書諸粉壁其

人遂改行由是政聲日
著不數年拜內臺御史

蘇天爵

真定人累官監察御史居四閔月章疏凡四
十五上皆關大體總兵平淮右妖寇卒于軍

中

蘇大年

真定人年十五游學廣陵因家焉有碩學鴻
才不受辟舉文辭翰墨皆絕出時輩至正間

上書於朝官以編修平生著述
甚多自號西坡又號林屋洞主

蘇照

字明遠建安人至正間以明經薦至京預纂
修事欲授以官以親老辭精翰染稱爲名

蘇金

字用之號淨信居士少因荒亂無師逢人輒捧書質問稍長文藝皆通天兵下吳人物凋耗金

賃舟往訊親故蓬底獲布囊一中金銀器各數事金艤舟以俟失者至悉還之一無所取嘗夜有盜踰牆足躡假山石仆犬驚不能去金覺與錢一千俾作生理戒無此為盜感愧卒為善

明蘇從善

字晉卿當塗人國初為長興州知州廉介警敏善於治理時州治新倡從善關田野集戶

口贊軍政休養生息民懷其德

蘇葵

字伯誠順德人以翰林編修陞江西提學僉事性剛介不苟合太監董讓構陷之理官附董欲

加之刑南昌諸生數百人號泣白冤擁入扶蘇去事竟得雪其名愈彰歷福建右布政使

蘇伯衡

字平仲金華人宋文定公轍九世孫少警敏絕倫中歲大肆力於文辭精博敷腴時稱其

工洪武初擢國史院編修
以疾辭歸有文集行于世

蘇伯厚

名坤以字行建安人聽明博學元季累薦不起以養親讀書為樂國朝洪武乙丑有司以

明經薦授建寧府訓導遷晉府伴讀未赴成祖即位以知者薦與修高廟寶錄擢翰林侍書復

與修永樂大典選檢討

兩典會試備講東官

蘇敏

洪武中知廬州府蒞政八載吏民肅然州縣德之雖童稚亦皆稱頌卒于官闈郡之人為之垂

涕

蘇仲簡

名境以字行建安人照之子善文辭與兄伯厚弟叔敬季雅自相講授洪武初以明經薦

授崇安縣訓導所

著有敬所小集

蘇瓚

字大玉河間人洪武中謫任崇明當官勤廉尤致意於農事官終工部侍郎才能著稱

蘇銓

洪武初柳州衛指揮僉事謀略過人首創公署操兵有法賊攻刼融縣銓率兵奮擊賊敗散後

復聚眾剽掠銓設法擒之自此畏服不出民賴以安

蘇鎰

字良金建安人伯厚子永樂間以明經舉拜中書舍人陞吏部驗封司主事尋改負外郎舉纂

修事轉稽勲司郎中食四品俸所著有金臺寓稿

蘇琦

鄭州知州言時宜三事一屯田積粟以備邊需二選股肱重臣分鎮要害三招徠耕種以實中

原上謂其言可采命參酌行之

蘇恭讓

漢陽知府為治簡而明嚴而不苛每遇重役必懇請簡省民賴以安

蘇鉅

字良聲別號竹坡建安人性孝友尤穎敏敦篤喜讀書好吟咏善書翰及寫竹石花木山水為人所珍雖居城市日閉門不干與世事一時大夫士咸禮敬之所著有竹坡吟稿數十卷藏于家

蘇韓

字廷茂江陰人成化五年任韶州知府心公而怒政簡而明吏胥畏法軍民悅服歷副使

蘇恩

字從仁華亭人正德進士巡按廣東首抑權豪革和買均差徭民甚便之

蘇佑

字舜澤山東濮州人嘉靖丙戌進士為御史推江西提學副使歷官宣大總督軍務兵部尚書勒歸平生喜為詩篇蓋自釋褐時已有浩瀚不羣之氣矣

蘇存

字性甫任丘人嘉靖癸丑進士任知府

蘇朝宗

字汝見汲縣人嘉靖丙辰進士任御史歷山東叅議

蘇旻

字舜夫嘉定人父病竭力迎醫治療弗愈及卒哀毀幾絕獨負上治墓結廬其側悲號不少置

一日兩甚水侵墓旻荷鍾決之獲金五錠人以為孝感所致旻不自私盡買藥治棺以施人父有遺產悉讓諸弟知縣王術重其孝義贈之以詩

萬姓統譜卷十二

欽定四庫全書

萬姓統譜卷十三

明 凌迪知 撰

上平聲

七虞

符

琅琊羽音魯頓公孫雅為秦符璽令因氏

漢

符融

字偉明浚儀人遊太學師事李膺幅巾奮袖談辭如雲膺每捧手歎息知名公府連辟不應

符乾仁

撰修真秘錄一卷

符天定

瓊州人迪功郎

晉符雅

為人樂施乞人填門曰天下物何常今日富明日貧耳位尚書令

南符洪

字廣世任後趙拜冠軍將軍

符雄

字元才秦安人洪之季子少善兵書而多謀略好施下士便弓馬有政術符健僭位為佐命元

勲權侂人主而謙恭奉法律常曰元才吾姬旦也及卒健哭之嘔血曰天不欲吾定四海邪何

奪元才之速也

唐符令奇

玄宗時初為盧龍軍裨將勸田承嗣委質朝廷田悅怒切讓令奇罵曰爾忘恩背主旦夕

死吾教子以順殺身庸何悔釣死愈爾遠矣悅怒奮而起令奇臨刑色不變年七十九夷其家

符璘

字元亮令奇子居環衛十三年贈越州都督

五代符存審

字德詳陳州宛丘人。事李罕之。罕之歸晉。晉王以為義兒。軍使賜姓李。名存審。存審為將。

有機略。大小百餘戰。未嘗敗。與周德威齊名。

符令謙

官趙州刺史。有善政。卒于州。州人號泣送葬者數千人。當時號為良刺史。

宋

符彥卿

宛丘人。善騎射。事唐莊宗。以謹厚出入臥內。入漢。以功封魏國公。周封魏王。宋初。加太師。彥卿為將。有謀善戰。頗謙恭。下士所得賞賜悉分給士卒。故人樂為之用。周世宗及宋太宗后。

皆其女也。

符授

南豐人。元豐間進士。性恬退。不事干謁。累官中奉大夫。卒。

符盛

字昌國。閬中人。大觀登第。撫州司法參軍。

符居簡

南豐人咸和中為德清尹

符昭愿

彦卿子謹厚謙約頗讀書開寶中知澶州

符中行

授之子政和進士知成都府所至有政績裁減用兵橫斂之半任江西轉運使

明

符節

長興人洪武中任刑部主事改御史

符銘

瓊山人洪武中進士中書舍人

符觀

新喻人弘治進士

符濟

福建人初任為萬安知縣擢安慶知府濟公平而廉幹吏民亦皆悅服君子曰符濟律身以正

待軍衛甚嚴人多仰之

符錫新喻人嘉靖三年任饒州府通判設施調度卓有條理勞來安集政教寔行

符驗黃巖人嘉靖進士任御史

符瑯琊角音本姓蒲蒲洪孫堅以籤文有草付字改姓

符駒符堅從兄子也幼懷遠操不屑時榮堅曰吾家千里駒也

符朗堅從兄時賢並用唾壺朗獨誇之使小兒跪而張口唾而舍出

符習事趙王為軍校王被弑王鎔上書莊宗求習習號泣曰臣世家趙受趙王恩嘗以一劍與臣使

自効令聞王死欲以劍自到念卒無益請擊趙破賊報王寃莊宗壯之

符表符朗兄子也徙居安城大中間年十六母姜氏有疾侍省晝夜數十母一食表亦一食母不食

將絕表感咽而殞俄頃母亦沒
葬於四望岡太守為表其墓

宋 符南運

瓊州
司法

巫

平陽高音以技為氏

高 巫咸

相殷王太戊保又王家其子巫
賢又相祖乙相傳為金夏縣人

巫賢

賢
士

漢 巫捷

冀州
刺史

巫都

著養
生經

巫晦

寧化人隆興進
士知信豐縣事

唐 巫大章 光化人 天寶末昭德判官

宋 巫伋 樞密使 建康人

巫似修 臨涇人 蘇州守

巫孝傑 江寧人 淳熙進士

巫明允 紹興中 華亭尹

巫夢艾 寧化人 嘉定進士 嘉

巫潛 寧化人 嘉定進士 嘉

巫雙瑞 寧化人 淳佑進士 淳

明巫覲

以功陞都督同知掛征虜前將軍印鎮守遼東

邊方
安靖

巫章瑤

清流人永樂舉人初授江西建昌知縣嚴明立政廉介自守

巫泰

句容人永樂舉人任通判

巫儼

字克莊儀真人正統舉人任知縣

巫子秀

興寧人英勇絕人家居羅岡與諸賊巢穴近弘治癸亥賊胡蔭彭錦扇亂子秀獨能策畫

保其鄉又設奇略致賊死者百五十人皆親斬之獻馘于官復懇請官兵盡滅其屬賊憾之一夕圍其家子秀夫婦被執賊先殺其婦示子秀欲逼跪之子秀厲聲罵曰死即死耳肯為逆狗

屈耶遂被
害裂其尸

巫璽
長汀人正德
進士授通判

巫繼咸
廣德州人嘉靖
進士授御史

吾已
姓昆吾氏之後

漢
吾扈
廣陵令

三吾粲
字孔休為吳參軍校尉以舟師拒魏綆絕斷絕
為魏軍所獲眾皆攀緣號呼吏士恐船傾沒皆
以戈矛撞擊不受粲與黃淵獨令船人以承取
之左右以為船重必敗粲曰船敗當俱死耳人
窮奈何棄之所
活者百餘人

吾彥

字士則吳建平太守時晉王濬造船於蜀木楫蔽江而下彥請增兵守建平皓不從彥乃為鐵

鎖以斷江流逮晉師至諸城皆潰惟彥不下

元吾衍

字子行仁和人操行高潔不求榮進隱居教授居于樓上學童樓下遣高弟子遞授之客至童

子輒止其登使登乃登與客笑談樓上而樓下羣童肅如也元時廉訪使徐瑛聞衍名訪之衍

從樓上呼曰此樓何敢當貴人登也願明日走謁謝瑛笑而去明日竟不謝人咸重之稱為貞

白先生

明吾紳

字叔縉開化人風度俊偉永樂初登進士第為翰林庶吉士授刑部主事陞郎中文學政事為

時所稱仕至禮部右侍郎

吾肇

開化人永樂進士

吾豫

開化人任訓導景泰初膺薦至京屢言邊事防禦之方然有肯綮本兵奏用於邊

吾翬

開化人弘治進士

吾翕

開化人正德進士

吾應

開化人正德進士

吾謹

開化人正德進士

區

歐冶子之後轉為區氏望出渤海又云音甌今嶺南多此姓

漢

區博

郎中王莽將諫井田

區社

字景賢零陵人熹平中為曲江長

三區景

長沙人吳蒼梧太守

北南區金

字南貴南海人仕齊為右衛武校尉累官琛州刺史子頴寧州刺史孫伯虎益折節讀書官至

新州刺史三世為刺史

隋

區澤

字伯仁連州人熙平郡守唐代隋澤閉戶謝事不受唐官爵士論高之

唐區冊

南海人德宗時韓愈為陽山令冊往見之及歸愈為文送之其略曰有區生者誓言相好自南

海挈舟而來升自賓階儀觀甚偉坐與語文義卓然如斯人者豈易得哉

區寄

越人年十一歲二豪劫持虛所賣之童伺一豪睡取其刃殺之一豪將殺童童曰為兩郎童孰

若為一郎童童又
殺一豪刺史奇之

宋區璵

字良玉南海人仕為德慶參軍居官廉介有聲

區適

字正叔南海人幼英邁能文辭於經史皆通大義及長重厚寡言笑以博學多聞稱里人慕之

多造門求講解從之遊者數百人所居地舊闕名
登州因更其地為闕鄉闕

區傑

廣州人登進士第

區希範

諫征宜州蠻酋

明區禹民

南海人性剛直為鄉人信服元季土豪相聚為亂禹民偕其族子忠吉率眾立砦保障鄉

人賴之洪武初廖永忠師下廣州禹民等首請歸附永忠令保障如初副將軍參政朱亮祖陷

於山南賊忠走告永忠調軍令忠等
為向導破之事平授中都留守都事

區賢

南海人永樂進士

區正

南海人成化進士

區玉

南海人弘治進士

區越

南海人正德進士任參政

區益

高明人嘉靖舉人

瞿

松陽徵音又望出高平

漢瞿茂

漢南太守

晉瞿硎逸姓氏太和末居宣城之翕山山中有瞿硎因以為號桓溫嘗造之見先生披鹿裘坐石室神

色無忤溫及僚佐數十人莫測乃命伏滔為之銘贊終隱于山中

瞿慶

撰明遠遺宗三卷

瞿稹

絳州刺史

瞿伯玉

安史將

瞿令聞

江華令

五代瞿延

梁鎮北將軍

宋瞿莊

博陵人參軍

瞿詔

南城人嘉祐進士

瞿寶

蒼梧人咸淳進士

瞿元亨

南豐人天聖進士

瞿光鄴

字化基鄆城人樞密副使

瞿珣

登科

明瞿通

合肥人元末江淮兵起通善長鎗號長鎗千戶後來歸積功至鳳陽指揮使以大都督府僉事

致仕卒贈右都督子能嗣遇難不屈而死

瞿佑

字宗吉錢塘人洪武中為宜陽縣教諭遷國子助教永樂初擢周府長史致仕卒佑博學能文

有集
數卷

瞿嗣興

字華卿常熟人事母至孝母思芟食時芟始
花求之不得嗣興入水半日忽得三芟人稱

孝感所致宋
景濂傳其事

瞿莊

字敬孚嗣興子洪武中福
建叅政答吏死上勞之

瞿明

常熟人景
泰進士

瞿俊

字世用常熟人狀偉岸不修邊幅而廉潔風威
動人成化舉進士授御史出按江右刺舉不避
遷副使律已廉不可干以私以病乞致
仕家徒壁立惟有圖書數百卷而已

瞿陽秀

巴陵人正德中
任南寧府推官

瞿景淳 字師道常熟人嘉靖甲辰會元進士第二歷官吏部侍郎諡文懿

瞿晟 字景明黃梅人嘉靖癸丑進士

烏 潁川商音黃帝之後少昊氏以烏烏名官以世功命氏又云烏桓氏之後又望出汝南鄱陽

周 烏餘 齊人

烏存 莒人

烏枝鳴 齊大夫

烏獲 秦人

烏石闌 代人

烏保

秦人見
貨殖傳

唐烏承恩

張掖人天寶末為信都太守上以承恩為范陽節度副使陰圖史思明謀泄為其所殺

烏承玘

字德潤張掖人開元中與族兄承恩皆為平虜先鋒沈勇而決號轅門二龍後破奚契丹

從戰捺祿走可突干渤海擾海上吏民逃徙失業承玘以兵塞要路塹原累石綿四百里寇不得入其後又說史思明降官至檢校殿中監封昌化郡王

烏重胤

字保君承玘子少為潞牙將兼左司馬節度使盧從史奉詔討賊陰與賊連重胤乃縛從

史帳下叱兵士曰天子有命違者斬士斂手還部無敢動者憲宗嘉其功擢河陽節度使封張掖郡公重胤善撫士待官屬有禮其在河陽名士如溫造石洪皆辟至幕下人多稱之

烏漢弘 重胤子居母喪奪為領軍將軍固辭帝嘉許之

烏昭 供奉官

烏知義 幽州將

元 烏提 至元辛未為真定總管修葺黉舍振作文教

烏樞 至正間餘干縣尹抑強扶弱理訟均徭得民心淮兵陷餘干樞詣江浙行省乞兵克復州城後授饒州路總管

明 烏本良

字性善慈谿人幼同弟斯道講論經史作詩習字為先達所推獎父沒儲無貲石日營以

奉母時斯道方弱冠季弟二女弟皆在齠齒仰給焉遂授徒錢塘以自資時有願以女妻之者

本良曰此來為母與弟衣食計耳所願未遂何暇及婚事後撫二弟稍長女弟嫁畢始婚一日得慈湖楊文元公遺書及春秋易解自謂如坐春風中遂以春風名齋

烏斯道

字繼善慈谿人文尚體要尤長於詩與寄高遠而清灑出塵一掃元人過巧之弊宋景濂

題曰斯道之作俊潔如明月珠洵湧如春江濤其為名流推重如此尤精書法小楷行草各臻其妙遠近求之屢滿戶外後國初用薦起為永新令有惠政以疾去官民遮留不可得立生祠祀之所著有秋吟藁春草齋集子熙字緝之亦以詩文擅名

烏濬

字士哲永樂進士建德人授禮科給事中剛方敢言有聲朝署

烏文亮

孝感人弘治舉人任知縣

烏從善

字汝登博平人嘉靖進士禮科都給事中

呼

明呼文瞻

山東人洪武中崑山知縣

呼廷信

綏德州人宣德中任四川右叅政

呼孟暘

石樓人宣德間任南康府推官

呼志

南宮人正統間任福建鎮海衛千戶

呼昱

山西吳堡人成化中宜興丞

呼為卿

字相之陝西人嘉靖癸丑進士任戶部主事

萬厯中福建叅將
呼良明太原人

吁

周吁子

阿人

漢

吁子先

成都人
壽百歲

都黎陽官音

漢

都尉朝

魯人孔安國傳古文尚
書授朝朝授膠東庸譚

都稽

臨淄侯
吳興人

宋

都隨

字與時餘干人元豐初舉進士有節操嘗以太
常少卿使遼既還遼使至必問起居卒贈宗正

少卿

都貺

陵川人舉進士官至鴻臚卿每朝帝虛已咨問
貺據經而對多見嘉納拜梓州轉運提押西川

四十五州多著美績兄
鶴及姪嘉猷皆舉進士

都頡

字光遠餘干人少貧苦學元祐間居作七談
述鄱陽人物山川之勝辭艷而意遠後官至司

農少卿

都潔

字聖與京口人知南安軍勤身率
下宣布德澤整頓紀綱人皆稱之

都公旦

登進士第

都公琬

黎陽人

明
都遵道 陵川人 洪武舉人

都郊 廣平人 永樂中任知縣

都穆 字玄敬 長洲人 弘治進士 歷官太僕寺卿 有文名 穆志尚考索 微隱所著 凡數十種 家居絕跡

公府放意山水人皆敬之

都咨 長洲人 正德舉人 任廉州府推官

都文信 字士誠 吳人 父死 父友徐右之坐事 信請代 行歿於道

都文奎 祥符人 嘉靖進士 鎮江知府

涂 南昌洪州 因水為姓

宋涂大經

宜黃人慷慨慕古人風節紹興進士時日食正言應詔言事請復元祐之政坐罪列邪黨

涂天明

撫州人登科

涂正勝

撫州人登科

涂燠

撫州人登科

涂潛生

字自昭宜黃人邃于易學三舉上春官不第授山長著有四書斷疑易義矜式行世

明涂節

洪武中任御史中丞告胡惟庸反

涂觀

字恒孚江西人洪武中任布政為人平易信直篤於孝友兄謙二子昇旦皆舉進士並以才能

著稱

涂幾

字守約宜黃人志尚高古不與時俯仰為文據經史下筆輒數千百言不涉浮詞賦尤多楚聲既不過避兵于臨川之竹山世鮮知幾幾亦未嘗求知于世至洪武初擬進時事策十九篇

涂順

建昌人永樂進士初知崇德廉勤自將上信下懷滿去諸所用器封歸筦庫一物不携

涂俊生

字友良番禺人為人敦行義而耽文儒當宣德正統之盛與給事中張舉斷事周溥敬主事金誠處士趙絢相與為文字交而俊生為之冠冕藩臬知其名咸禮貌之有司歲行鄉飲酒禮必虛賓席待之黃冠反詔許自新求人齋與之無敢應者俊生毅然行至則喻以禍福賊皆羅拜環聽卒得善返又嘗嫁表姪女之孤者二人資遣之一如己女既沒丘濬嘗歎曰善人亡矣穗石濂泉之間服儒素而談理道者豈復有斯人哉為之誌其墓子暉仕通判孫瑞瑾同登

成化丁未進士

涂謙

字恒謙豐城人正統進士當英宗北狩徐理議遷都謙上疏云居祖宗之位當守祖宗之業景

泰初陞山東按察司副使

涂斐

字伯輔豐城人天順進士授御史巡河道紀綱肅然風采壁立

涂瑞

字邦祥番禺人少穎悟不凡儀表豐偉弱冠以文學著聲庠序性豪蕩不羈尤善書法上下咸器重之成化丁酉鄉試第一丁未與弟瑾同登進士瑞一甲第三授翰林編修弘治庚戌以修

撰憲廟實錄成陞修撰與經筵時稱翰林三妙謂才學書法儀表年四十有六而卒人咸咤悼

涂禎

字益賓新塗人弘治進士任監察御史巡長蘆鹽課劉瑾欲令割送餘鹽銀兩禎弗從瑾銜之

後禎復命侯于朝門適過瑾又不行跪禮即捏
旨挈送錦衣衛獄二次各杖三十發肅州衛永

速克軍禎傷
重死於獄

涂淵
南昌人嘉靖進士
歷杭州府知府

瓠

周瓠巴
鼓琴而六
馬仰秣

須羽音渤海太昊夙之後有須勾國以國為氏

周須賈
魏中大夫賜
范睢緋袍

漢須無
平陸侯紹
封四代

隋須陁

性剛烈有勇略為討捕大使時李密逼滎陽陁前後三十餘戰每破走之忽被圍潰輟出左右

不能盡出復入救之往來數百眾皆敗乃仰天曰兵敗如此何面目見天子乎乃下馬戰死其所部兵晝夜號哭數日不止

宋

須傑

奉議大夫

明

字民敬常熟人成化舉人任山東齊東知縣

須瀾

字孟觀德州人嘉靖進士任御史

須道

直隸靖江人嘉靖丁酉鄉試第二名

嘉靖乙丑進士
須用賓武進人

父武功羽音

上古
父折舜
臣舜

漢
父嘉興

父季真
得道
經訣

明
父文通
宣德間任
漳州知府

父同
長興人
任知縣

嘉靖間
湖州烏
程縣貢生
父觀

辜
晉安出
何氏姓
苑不詳
所出

宋辜甫

泉州人嘉祐登科

辜肅

德清尹登進士第

辜景

晉江人元祐六年特奏名

元辜中

字德中至正間永豐尹專尚德化不施刑罰百里晏然民愛之如父母治行第一邑人立生祠

刻石記之

明辜臯

韶州人洪武初知德興縣宣布號令招撫流亡會寇竊發乃聚民兵保障時開山煉銅為民患乃奏請罷之修建學宮橋梁民樂趨事百里之內雞犬相聞皆臯力也

辜鑰

寧州人洪武舉人

辜敏道

福建人永樂進士

辜顯

字主敬安仁人天順進士任廣東參政

應天府有辜姓江西南昌有辜姓族頗繁

屠 陳留宮音以技為氏

周屠蒯 晉大夫

屠餘

晉太史見晉國之亂以其圖去歸周曰臣不敢直言示晉公以天妖日月星辰之行

屠擊

晉侯作三行以禦狄荀林父將中行屠擊將右行先蔑將左行

屠羊說

楚人隱於屠肆

屠睢

與尉佗同
攻百越

漢屠景先

河東人

宋

屠雷發

撫州軍
事判官

明屠琛

字廷贄，鄞人。穎敏博洽，為文不務雕繪，為奇而藻行，飾躬恂恂。若處子然，性剛執言，論侃侃不

阿從子襄，惠公瀟嘗執經問難，雖燕見對之無情容。上春，官拜祁州訓導，崇經術，敦士行，課工

程能率皆安定。矩度滿九載，陞漳平教諭。死于官。子湖，字朝隱，誦法典，訓綽有父風。事寡嫂甚

恭，撫其孤如己子。親族歸厚焉。教子儵，倬成進士。儵既顯，琛湖皆累贈。至南京，刑部尚書

屠瀟

字朝宗，鄞人。成化丙戌進士，任御史。巡按四川湖廣，皆有著政。陞本院僉都御史，進右都。以李

改省媒藥改南京尋轉左都掌院事改吏部尚
書進退黜陟無所私而以愛惜人才為重痛抑
佞倖清寧宮成詔許番僧入宮慶讚再疏諫止
言甚剴切周文端謝政即疏其剛方有為不宜
輕去拂上意不避丁外艱家居後武廟登極
仍以太子太傅吏書兼左都掌院事逆瑾顯權
力行救正數忤於瑾解任而歸平生慷慨
慨自許立朝論事皆得機要為時名臣

屠勳

字元勳平湖人成化進士初任刑侍河間戚畹
與民訟田奉詔體勘勳謂母后誕育其鄉而與

細民爭尺寸土非國家體歸田於民歷官刑部
尚書諡康僖子應埴正德進士應坤嘉靖進士

屠楷

字良才臨桂人嘉靖癸未進士
庶官刑部尚書諡恭簡

屠奎

字文奎勳從子清介有文與弟垚皆為御史有
直聲奎在江右剪戢宸濠黨與復累疏其不軌

終江西參議
終山東副使

屠僑

字安卿鄞縣人正德進士授御史歷官刑部尚書左都御史贈少保諡簡肅端潔持正始終一

節世稱
名臣

屠徑

鄞人正德辛未進士以試中書進吏部文選員外郎中有俊才詩賦書翰尤雄一時

屠太山

字國望鄞縣人正德進士刑部尚書

屠應峻

字文升勲姪嘉靖進士終春坊諭德嘗簡命校文江右當軸屬以子竟不第喜竒節偉行

有凌駕古人之思然不究其施以卒人多惜馬子仲律嘉靖庚戌進士任御史歷廬州知府有

惠政卒
于官

蒲河東角音蒲洪先代家居池上生蒲長三大因以為氏至洪改姓符令蜀中多此姓

漢蒲昌唐事

晉蒲奮尚書令

五代蒲禹卿蜀人賢良方正進士

宋蒲宗益字傳正閬州新井人曾祖穎士聚書百餘家以訓子弟宗益皇祐中進士累官遷尚書左

丞後以資政殿大學士知河中卒宗益趣向嚴整而性甚侈汰蘇軾嘗勸其慈儉

蒲顯道閬中人皇祐進士

蒲之道閬中人皇祐進士

蒲竑

閩中人皇祐進士

蒲冲

閩中人皇祐進士

蒲擇之

四川制置使

蒲壽晟

咸淳七年知蒲州性儉約於民一毫無所取建曾井汲水二瓶置座右人頌曰曾氏井泉

千古洌蒲侯心事一般清

蒲鹵

南部人母任知書里中號任五經鹵幼開敏元豐中進士歷提舉京湖常平及提點潼川刑獄

議稅權不便朝廷從之累官中大夫

蒲叔獻

南部人舉進士為成都漕百姓歌曰運使姓蒲民力可蘇召為宗正卿韓侂胄用事遂請

去時論

偉之

蒲規

字正臣安岳人有文名為洪雅令始以嚴治終以仁濟夷人德之

蒲堯仁

知太和縣廉白端謹無秋毫失自奉尤薄或經旬不知肉味曰吾不以口腹累人

蒲國寶

富順人開禧中狀元宋入元國寶遂不仕家貧耽志經史

金蒲察琦

陽信人補刑部掾哀宗遷歸德汴京立講議所受陳言文字琦亦預焉與元好問甚相得

崔立變後令改易巾髻琦謂好問曰今日易巾髻在京人皆可獨琦不可至其家自縊死琦沉

靜好讀書知古今
事母以孝謹稱

明蒲青

長安人永樂舉人

蒲輪

夢州人宣德九年嘉興府通判

蒲鋼

廣東人成化進士

蒲澤

字仁伯咸寧人成化進士山西僉事

蒲圻

崇慶州人弘治舉人

嘉靖

乙丑進士蒲凝翠南海人

母

鉅鹿羽音又望出平昌平聲出何氏姓苑

晉母雅

巴郡江州人學冠四科貢於朝除涪陵漢平令忠義著於奉上弘毅彰於接下西南夷跋扈以

為夜郎太守殊俗感其惠化致仕而歸卒年八十三

唐 毋瓊 洛陽人右補闕撰古今詩錄四十卷十八學士

五代 毋昭裔 蜀人出財百萬營學宮

宋 毋守素 國子博士

毋印 安仁人善事父母卒葬西郊朝夕哭奠風雨不輟

毋從直 龍圖閣學士

毋思義 蓬人工詩為時名官歷襄陽鳳陽教授周府長史子姪科第不絕鄉人榮之

毋制機 蜀人宋末分教黃州兼領雪堂河南兩書院學者稱為平山先生

元 毋珙 南安路總管克修其官飾新廟學時稱賢守

明母瑜

來賓人洪武初任萬載縣知縣

母祥

劍州普城人洪武中任給事中歷太僕少卿從靖難有功擢本寺卿以忠謹聞

母珪

歸安人成化中任訓導

母誠

蓬州人天順中任知州

母恩

蓬州人弘治進士知臨海有賢聲陞御史

母德純

字惟一蓬州人正德進士

母性

劍州人嘉靖舉人

萬歷間山西蒲州同知母鈇天津人直隸靈璧縣丞母照南川人

扶京兆羽音乞扶氏又望出河南

周扶安越大夫大

漢扶嘉胸臆人初嘉母於湯溪水側遇龍後生嘉長占吉凶巧發竒中高祖為漢王時與嘉相遇嘉勸

定三秦高祖以嘉志在扶翼賜姓扶氏官至廷尉食邑胸臆

扶少明著道德經譜三卷

晉扶猛字宗略其種落號白獸蠻從賀若敦南計梯山捫葛備歷艱阻遂入白帝城撫慰夷人莫不悅

南扶育龍驥三年育上表申明義北扶育康奏入即收廷尉賜死

明扶明生龍川人正統中任海康縣訓導

扶忠

鄆縣人成化中江寧縣丞

扶日高

鄆縣人成化中任萊州府訓導

扶讓

安仁人弘治中任宣化知縣

扶日曉

鄆縣人正德中任訓導

扶日亮

鄆縣人嘉靖中任知縣

狐

姬姓周平王之子王子狐之後以狐為氏

周狐突

晉大夫懷公立時突之子毛及偃從重耳在秦公執突曰子來則免對曰子之能任父教之忠

古之制也今臣之子名在重耳若又召之教之貳也淫刑以逞誰則無罪臣聞命矣乃就死

狐偃突子晉文公為公子時出亡在外偃與兄毛從之十九年比文定王室宣信諸侯而羈天下大

抵多偃謀也

狐夜姑

晉大夫

狐元楷

古之賢者見莊子

漢

狐篤

馬忠幼改名為狐篤為先主名將

明

狐忠

陽曲人善書洪武中中書舍人

塗

豫章塗山氏之後

漢塗禪

諫議大夫與王璜受毛詩於孔安國

塗子真治尚書

晉塗欽

以功封新吳侯

唐塗元琛

為正議大夫

塗曉

以中散大夫為江州刺史廉能可述號為金聲玉色

塗定辭

得道者也居石室貯五十萬錢賞廉者不得一人

塗廙

南唐人補豫章記

宋塗近正

高安人開禧六年罷雲石虛承務郎正請復子官

塗應楠

字仁方高安人少力學夜不寢登進士授臨川簿清明果斷曲直立分

塗會

登進士第

塗應福

嘉定進士

元塗謙

字伯益高安人至元間以功授瑞州判官累遷懷遠大將軍雖貴為連帥而雅淡冲約益勵操

行投老家居優游山水人稱為平地神仙

塗源

字源叟高安人早失父事母盡孝延祐二年除知黎州以母老不肯赴母強之至京師即請老

而歸母沒廬墓三年

明

塗斗鎮

靖安人永樂間任工部主事廉勤有為

塗鏜

靖安人永樂進士

塗文祥

靖安人弘治進士

塗擇民

字志伊漢州人嘉靖甲辰進士歷官都御史

萬歷癸酉舉人塗雲路延慶州人

徒

見姓苑

周徒父

秦伯伐晉命卜徒父筮之吉涉河侯車敗詰之對曰乃大吉也三敗必獲晉君其卦遇蠱曰千

乘三去三去之餘獲其雄狐夫狐蠱必其君也蠱之貞風也其悔山也歲云秋矣我落其實而

取其材所以克也實落材亡不敗何待

壺

晉大夫邑也子孫以國為氏

周
壺黯衛人

壺叔

晉從亡
賤臣

漢
壺公

壺嘉

都尉同范康
案侯覽母

壺遂

諫議大夫名士韓安國薦
于朝定律歷官至詹事

壺充國

武帝使大鴻臚卿充國
副相如使邛笮西南夷

無

古無澤

與舜為友舜以天下讓之乃自
投清冷之淵終身不反見莊子

周無駭人

漢無且戾太子舍人

宋無光胄淳化間判南康軍

明無能陽曲人洪熙中任淳化縣丞

河南新鄭縣有無氏

蕪

明蕪恕平山人宣德中任江陰大使

儒見韻會

漢
儒光

茶
都邪切

漢
茶廣

茶聚

茶恬

江都王謁者上
書告王謀反

邾
小邾子之後子孫以國為氏

明

邾安

河東人洪武中以人
材任渭南縣知縣

洙
音殊

宋 洙 頴 科

洙

宋 洙 頴 新塗 縣尹

銖

明 銖 炫 德興人 弘治中舉人

俱 頴川

南 俱 起 延 涼鎮北 將軍

唐 俱 康 辟 開元國 學博士

俱文珍

中常侍

衢

江陵見姓苑

明

衢通

江西人成化中任建安縣丞

模

宋模道成

元州人登科

莆

見氏族通志

明

莆森

枝江人洪熙中
寧都縣知縣

絢

見氏族志

宋

絢紡

開封人
登科

紆

見氏族志

漢

紆邈

始平人
肥鄉侯

駒

周

駒伯

郤克
軍佐

漢

駒幾

驃侯功
臣表

湖

宋

湖沐

太常博士
知廣州

明湖澄

連州人永樂中交趾諒江府照磨

湖湘

南和人景泰中任福寧州吏目

盱

從目從于音于一云從目從干音幹當更考之

漢

盱烈

豫章人事許遜得仙元康中上升見集仙傳

孟

左傳宋公為右孟食采于孟因氏

周

孟丙

晉人

孟廩

衛人殺子路

邶

扶風周武王子所封以邑為氏

漢 邗侯

上谷太守

鈞 見姓苑

宋 鈞先祖

隆興間洪州都督府副使

史 顛史之後

上古 史區

古今人表黃帝時人見素問

周 史駢 晉大夫

明 史信

陽信人嘉靖中海豐縣丞

狐 見姓苑

明 孤啓

濮州人洪武中
江西德化縣丞

孤鐸

汲縣人天順間
任六合縣丞

孤鳳

石樓人正德間
西進賢縣舉人江

敷

明 敷季雅

捷為人洪武間
松溪縣知縣

女 盧奴之後

明 奴管

高郵人嘉靖
中湖廣都司

廬州府六合
縣有奴氏

蘆 後魏有蘆氏

周 蘆蒲嬰

慶封使崔杼仇蘆蒲嬰攻
崔氏殺成及疆滅崔氏

寧

音呼姓苑云沛人

吁

音予出纂文并直音

梧

出姓苑

嚮

音呼見姓苑并直音

軒

音呼纂要云人姓

蒼

音呼見直音

軫 音枯見字統

共 音吳出直音

舞 音無楚熊渠之後號無庸其後為氏

爽 見直音并氏族通志

禺 縣名見姓苑并直音禺疆之後望出南海

愚 見姓苑

迂 見姓纂

誣

需見姓苑

區見姓苑

陶



萬姓統譜卷十三